

Algemeine Danck sagung zu Gott / für die Preussische Belehnung an die Chur Brandenburg / in allen Pfarrkirchen / vnd Christlichen Versammlungen deren vereinigten Fürstenthümern vnd Landen Elene / Gulich vnd Berg ic. Anno 1612. den 22. Januarij geschehen.

DAlmächtiger ewiger Gott / Herr Himmels vnd der Erden / der du der Könige herzen in deiner hand hast / vnd len-
cest sie wie die wasserbeche. Wir erscheinen für deiner hohen Majestet vnd sagen danck einmütiglich / mit allem da-
fur / daß du diese negst uergangene jahren durch die handt unsrer Christlichen hohen Obrigkeit uns von dem so
hochbeschwerlichen Kriegewesen errettet / vnd dem zufolge biß an herobey gutem friede erhalten: Sondern auch in-
sonderheit kurzverneichene zeit / unsere gnedigste höhe Obrigkeit den Churfürsten zu Brandenburg / sampt ihs
Churf. En. Herm Bruder vnd dero posteritet mit den Preussischen Landen / durch die krone Polen volkömlich beloh-
net / vnd also zu einem ungezwiefelten Erben deroselben an: vnd eingestellet: dādurch das Fürstenthumb Preussen von besorgtem ge-
fehlreichem Kriegswesen gnediglich befreyet vnd gewünschten bestendigen friedens einen guten grund gelegt.

Dieweiln aber die Herrschaft groß vnd des volcks viel ist / so woltestu o getrewer Gott vnd Vatter / deroselben unsrer gnedig-
ster höhen Obrigkeit ein weises vnd verständiges herze verleyhen / auff daß sie was recht vnd gut ist verstehen / vnd dein volck woll-
est also regieren möge / daß glaube vnd gerechtigkeit sich ailenenthalben begegnen / trewe vnd warheit einander die hand bieiten vnd
küszen mögen: damit die ganze Regierung zu deines großen nahmens ehre / zu beharlichem friedlichem wesen / vnd beydertheils so
Obrigkeit als Vnderthanen zeitlicher vnd ewiger wofahrt gedene.

Darneben sobitten auch wir einmütiglich demnach keine Obrigkeit ist ohne von Gott verleyhe uns samtblichen vnderthanen
gehorsame herzen / damit wir alsolcher uns vrgesetzter gnedigsten höhen Obrigkeit alle gepürliche wifahrung vnd trewe in vnder-
thanigstem gehorsam erzeigen: Zu dem ende blehre die herzender abtrünnigen / bewahr uns für den friedhessigen vñ aufrührischen /
mache zu schanden die rathschläge der Arglisten vnd falschen. Stercke aber vñ vermehre die zahl der frommen vnd getrewen / daß
also gerechtigkeit / vnd darab friede vnd einigkeit vnder uns gepflanzt / vnd deren heilsame fruchten erärnet werden möge.

Endlich o barmherziger Gott / bitten auch frner wir einmütiglich / du woltest ihs Churf. G. unsrem gnedigsten Landfürsten / auch
deroselben geliebtes Ehegemahl / die junge Herrschaft vñ freiwlein zusamt dem ganzen hochlöblichen hause der Chur Brandenburg /
wie imgleichen auch beide unsre gnedige Fürsten vnd Herm. Herm. Ernst Margarauen zu Brandenburg / ic. vñ Herm. Wolfgang
Wilhelm Pfalzgrauen bey Rhein / ic. Wie biß alhero / also auch surbaß mit langweiriger Gesundheit / Christlob: vnd friedlicher Re-
gierung / vnd glückseliger wofahrt reichlich seuen. Durch Christum Jesum den wahren Friedfürsten / der mit dir vnd dem heiligen



Frankfurter Druckerei

21 J. Sp. G. 6245.

68.3235

